

~~32~~  
116

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
SEP 15 1933

T 9297.1100 B



江海卷第一百四十七

浚儀王應麟伯厚甫

兵制

水戰

江漢湯湯武夫洸洸此水戰之始自古東南恃此以收制敵之功

周蒼兕舟楫

史記齊世家武帝九年東伐以觀諸侯集否師行師以左杖黃鉞右把白旄以誓曰蒼兕舟楫總爾衆

哈佛大學漢和圖書館珍藏印

或以作蒼雉案馬融曰蒼兕掌舟楫官名

論衡蒼兕水戰九頭令誓衆令急濟故言蒼兕以懼

之邢子才文蒼雉奉職靈置自梁

晉令水戰有飛雲舡蒼隼舡先登舡飛鳥舡

### 晉舟虞

曾語諸侯伐秦及淫莫濟晉叔向召舟虞典司馬曰

夫苦匏不材於人共濟而已魯叔孫賦匏有苦葉必

將涉矣與舟除隧不共有法是行也魯人以莒人先

濟諸侯從之注舟虞掌舟司馬掌兵舟虞具舟司馬

### 涂道

### 楚舟師

左傳襄二十四年楚子為舟師以伐吳不為軍政無

功而還注舟師水軍昭十七年吳伐楚戰于長岸大敗吳

師獲其乘舟餘皇舟名十九年楚子為舟師以伐濮

二十四年楚子為舟師以畧吳疆二十七年與吳師

遇于窮令尹子常以舟師及沙汭而還定二年楚囊

毛伐吳師吳人見舟于豫章敗之四年蔡吳唐伐楚

舍舟于淮汭自豫章與楚夾漢左司馬戌謂子常曰

子公漢而與之上下我悉方城外以毀其舟六年吳

太子終纍敗楚舟師哀十年吳徐承舟師師將自海

入齊齊人敗之

吳乘舟餘皇

左傳昭十七年吳伐楚戰于長岸子魚先死楚師繼之。大敗吳師獲其乘舟餘皇。吳子光請於衆曰喪先王之乘舟豈惟光之罪衆亦有焉請藉取以救死衆許之使長鬣者三人潛伏於舟側曰我呼餘皇則對師夜從之三呼皆迭對楚人從而殺之楚師亂吳人取餘皇以歸。史記公子光伐楚敗而亡舟光懼襲楚復得王舟而還注舟名餘皇。吳語將舟戰於江。

漢馬融傳方餘皇連舳舟張雲帆施蜺幃。吳越

春秋越使范蠡入吳國徙其大舟注餘皇舟也。

蜀王本紀秦爲大白船夏艘欲以攻楚注大白舡名

越習流

史記勾踐發習流二千伐吳。吳越春秋同。左

傳哀十七年越伐吳吳禦之笠澤夾水而陳越子潛

以三軍潛涉當吳中軍而鼓之吳師大亂

越絕書越爲大翼小翼中翼爲舡軍戰

漢樓船黃頭

刑法志外有樓舡按漢官儀云高祖命天下選能引

闕蹶張材力武猛者以爲輕車騎士材官樓舡常以

秋後講肄各有員數平地用輕車山阻用材官水泉用樓舡列傳枚乘說吳王曰漢遣羽林黃頭循江而下注羽林黃頭郎習水戰者也鄧通以濯舡為黃頭郎注濯舡能持濯行舡也土勝水其色黃故刺舡之郎皆著黃帽因號黃頭郎五被傳吳王伐江陵之木以為舡為淮南王畫計曰有尋陽之舡嚴助傳閩越王入燔尋陽樓舡注漢有樓舡貯在尋陽也建元三年助浮海救東甌武帝欲伐南越淮南王安諫曰前時南海王反擊之會天暑多雨樓舡卒水居擊擢未戰而疾死者過半朱買臣為會稽太

守詔到郡治樓舡備糧食水戰具朝鮮元封二年

遣樓舡將軍楊僕從濟浮齊浮渤海擊朝鮮

卜式上書請父子與齊習舡者往死南越本紀

武元鼎五年南越呂嘉反遣伏波將軍路博德出

桂陽下湟水樓舡將軍楊僕出豫章下真水歸義

越侯嚴為戈舡將軍出零陵下離水甲為下瀨將

軍下蒼梧皆將舡十萬人元鼎六年東越王反遣

樓舡將軍楊僕出豫章擊之注伍子胥書有戈以

載于戈因謂之戈舡又伍子胥書有下瀨舡食

貨志粵欲與漢用舡戰遂廼大修昆明池列館環

之治樓舡高十餘丈，旗幟加其上，甚壯。元鼎五年，南越反，因南方樓舡士二十餘萬人擊之。  
地理志廬江郡有樓舡官。

漢戈舡

武紀元鼎五年夏四月，南粵呂嘉反，秋遣歸義越侯嚴為戈舡將軍，出零陵，下離水。注：師古曰：舡，下安戈戟以禦蛟鼉之害也。  
史記南越傳：戈舡下屬將軍。

厲一作瀨

吳都賦：戈舡掩於江湖。

地理志：牂柯係舡。

棧也。楚王伐夜郎，棧舡於岸，乃改其名為牂柯。

韓信擊魏王豹，益為疑兵，陳舡欲渡臨，且而伏兵。

從夏陽以木罌渡軍，襲安邑。

漢船司空 輯濯令

地理志：京北尹船司空。注：本主舡之官，遂以名縣。

曰舡利。百官表：水衡有輯濯令。丞注：如淳曰：舡官

也。劉屈氂傳：太子矯制發輯濯士。注：輯及濯行

舡者，短曰輯，長者濯。與楫權同。元后傳：張周惟輯

濯歌

漢昆明池習水戰

紀元狩三年秋，發謫吏穿昆明池。注：臣瓚曰：西南夷傳有越雋昆明國，有滇池，方三百里。漢使求身毒國

而為昆明所閉今欲伐之故作昆明池象之以習水戰  
食貨志武帝時粵欲與漢用船戰遂乃大修昆明池列第環之治樓船高十餘丈旗幟加其上甚壯  
西京雜記武帝作昆明池欲伐昆明夷教習水戰  
黃圖昆明池有百艘樓船上建樓櫓戈船各數十  
上建戈矛四角悉垂幡葆壘蓋  
曹毗志經樓船上建樓櫓戈船上建戈矛又作二石人東西相對象牽牛織女  
郡縣志昆明池在京兆府長安縣西十八里武帝穿此池象滇池作戈船樓船數百艘於其中

漢樓船露橈

岑彭傳建武九年公孫述遣其將數萬人乘枋箬下

江關枋箬以木竹為之浮於水上爾雅曰擊破馮駿

等遂拔夷道夷陵橫江水起浮橋闔樓立檣柱絕水

道以拒漢兵彭裝直進樓船並船冒突露橈數千艘

名樓船之上施樓橈小檣也爾雅曰檣謂之橈路橈謂路檣在外人在船中

十一年春彭與吳漢發桂陽

零陵長沙委輸棹卒凡六萬餘人棹卒持棹行船也騎五千

匹會荆門吳漢以三郡棹卒多費糧穀欲罷之彭上

書言狀帝報曰大司馬不曉水戰荆門之事一由正

南公彭乃令軍中募攻浮橋船逆流而上直衝浮橋

飛炬焚檣柱順風並進所向無前

魏舟師

**三國志**通鑑漢建安十三年曹操還鄴作玄武池以  
舩舟師黃初六年帝以舟師復征吳帝以舟師自譙  
循渦入淮蔣濟表言水道難通帝不從時天寒水舟  
不得入戰舩數千皆濟不得行濟鑿地為四五道蹴  
舩令聚豫作土豚遏斷湖水

**通典**後漢魏武舩戰令

魏水軍

**三國志**通鑑建安十三年諸葛亮曰關羽水軍精甲

萬人且北方之人不習水戰曹公遺孫權書曰今治  
水軍八十萬方與將軍會獵於吳十四年曹公引水  
軍自渦入淮出肥水軍合肥開芍陂屯田  
黃初二年帝為水軍親御龍舟循蔡潁浮淮如壽春  
至廣陵吳為疑城假樓又大浮舟艦于江帝曰魏雖  
武騎無所用之

吳蒙衝鬪艦

**吳志**曹公遺書曰今治水軍與將軍會獵於吳張昭  
等曰操得荊州水軍蒙衝鬪艦浮以沿江長江之險  
已與我共之矣周瑜曰曹舍鞍馬杖舟楫遠涉江湖



之間不習水土禽操宜在今日瑜與劉備進與曹公  
 遇於赤壁瑜部將黃蓋取蒙衝鬪艦十艘載燥荻枯  
 柴灌油其中裹以帷幙上建旌旗豫備走舸繫於其  
 尾時東南風急蓋以十艦寂著前中江舉帆餘舸以  
 次俱進去北軍二里餘同時發火火烈風猛舸往如  
 箭燒盡北舸延及岸上營落煙焰張天瑜等率輕銳  
 繼其後雷鼓大進曹公軍敗退 孫權擊黃祖祖橫  
 兩蒙衝挾守沔口大繼繫碇千弩交射軍不得前董  
 襲凌統各將敢死百人人被兩鎧乘大船突於蒙衝  
 裏以刀斷繼大兵遂通 將軍賀齊性奢所乘舸雕

刻丹鏤青蓋絳檐鱗鱗鬪艦望之若山

釋名上下重版曰艦四方版以外狹而長曰艨衝

以衝突 吳志曹公出濡須孫權使董襲督五樓舸

注濡須口

吳飛雲蓋海

周瑜傳孫權乘飛雲大舸 吳都賦弘舸連舳巨艦

按艦飛雲蓋海制非常模注銑曰飛雲舸上樓名甚

高者蓋海言多也劉曰飛雲蓋海吳樓舸之有名者

江表傳孫權乘飛雲大舸與張昭魯肅等共追送

叙別

嘉清丁巳年

晉水軍

羊祜傳帝與祜謀伐吳祜以伐吳必藉上流之勢又時吳有童謠曰阿童復阿童銜刀浮渡江不畏岸上歌但畏中龍祜聞之曰此必水軍有功但當思應其名者耳會益州王濬為大司農祜知其可用濬又小字阿童因加龍驤將軍密令脩舟楫為順流之計祜上疏曰吳俗急速不能持久弓弩楯不如中國唯有水戰是其所便一入其境則長江非復所固柱預傳大康元年正月陳兵于江陵遣奇兵八百沉舟夜渡以襲樂鄉歟張旗幟起火巴山吳都督孫歆懼與

江陵督伍延書曰北來諸軍乃飛渡江也

晉連舫

王濬傳武帝謀伐吳詔濬脩舟艦乃作大船連舫方百二十步受二千餘人以木為城起樓櫓開四出門上皆得馳馬來往又畫鷁首恠獸於船首以懼江神舟楫之盛自古未有濬造船於蜀其木柿蔽江而下吳彥取柿呈孫皓曰宜增建平兵皓不從彥乃為鐵鎖橫截江險又作鐵椎暗置江中濬知狀乃作大筏數十亦方百餘步縛草為人令善水者以筏先行筏遇鐵椎輒著筏去又作火炬長十餘丈大數十圍灌

以麻油在船前遇鏢然炬燒斷剋樂鄉獲水軍督陸景於是順流鼓棹徑造三山皓遣張蒙率舟軍禦濬蒙望旗而降

孫楚傳遺孫皓書曰國家整器械興造舟楫簡習水戰樓船萬艘千里相望剋木以來舟車之用未有如今日之殷盛者也

晉指南舟

宋志晉代又有指南舟

晉蒙衝小艦

陶侃禦陳敏寇用運船為戰艦 梁裴邃征邵陽洲

密作沒突艦破之 梁王僧辯討侯景賊望官軍有

雙龍挾艦 梁王琳每戰勝艦則有聲如野猪其戰

艦千數以野猪為名

柳文安南都護誌陸連長轂海合艨艟

晉水軍

通鑑劉裕為晉太尉義熙十二年戒嚴伐秦沈林子

劉遵考將水軍出石門自渡河王仲德水軍入河將

通魏滑臺十三年裕引水軍發彭城自淮泗入清河

將沂河西上先遣使假道於魏魏兵十萬屯河北岸

裕乃引軍入河裕至潼關王鎮惡帥水軍自河入渭

以趨長安秦主泓使姚丕守渭橋以拒之鎮惡泝渭而上乘蒙衝小艦行船者皆在艦內秦人但見艦進驚以為神至渭橋鎮惡令軍士食畢持仗登岸即密使人解放舟艦渭水迅急倏忽不見衆騰踊爭進大破姚丕軍

宋桓護之以百舸為前鋒據石濟魏人以所得戰艦連以鐵鑠三重斷河以絕河水迅急護之中流而下每至鉄鎖以長柯斧斷之唯失一舸餘皆完備而返梁肅叡拒魏軍叡裝大艦使馮道根為水軍闔艦臨魏壘以小船載草灌膏焚其橋侯景使侯子鑒

為水戰之滿以艦千艘載戰士王僧辯麾船令退留大艦夾治兩岸子鑒趨之大艦圍其歸路合戰江中景兵大敗

梁王琳引合肥巢湖之衆舳舻相次而下陳侯瑱率軍進屯柘洲明日合戰琳軍少却及夕東北大風吹其舟艦並壞夜中有流星墜于賊營及旦風靜琳入浦以鹿角繞岸不敢復出時西魏將史寧躡其上流瑱聞之知琳不能持久收軍却據湖浦以待其斃及史寧至圍郢州琳恐衆潰乃率船來下去蕪湖十里而泊明日齊人遣兵助琳瑱令軍士晨

次葶食頓蕪湖尾以待之將戰有微風至自東南衆  
軍施拍縱火定州刺史韋昭遠來平虜六艦中江而  
進琳軍大敗脫走以免者十二三 歐陽紇據嶺南  
及陳將韋昭遠討之紇乃出頓涯口聚沙石盛以竹  
籠置水柵外用退船艦昭遠居其上流裝艦造拍以  
臨賊柵又令軍人銜刀潛行水中斫竹籠籠篾皆解  
因縱大艦隨流突之賊衆大敗

隋五牙大艦

場素傳進取陳之計居永安造大艦名曰五牙上起  
樓五層高百餘尺左右前後置六拍竿並高五十尺

容戰士八百人旗幟加於上次曰黃龍置五百人自  
餘卒乘舳舻等各有差素引舟師下三峽陳以青龍  
百餘艘守狼尾灘素夜帥黃龍數十艘銜枚而下遂  
帥水軍東下舟艦被江旌甲耀日陳江中無一闔船  
呂忠肅據巫峽鑿砦縱鍊橫截上流以遏隋船擊之  
四十餘戰隋兵死者五千餘人既而隋師捷忠肅奔  
冊復據荆門延州素遣五牙四艘以拍竿碎其艦遂  
大破之

唐昆明池習水戰

紀武德九年三月庚寅幸昆明池習水戰壬辰至自

昆明池

唐戰艦 浮海大艦

河間王孝恭傳及李靖擊蕭銑師戰艦二千餘艘東  
下大破銑軍乘勝直抵江陵入其外郭又攻水城拔  
之大獲舟艦靖命盡散之江中諸將皆曰破敵所獲  
當籍其用奈何弃之靖曰蕭銑之地南出嶺表東距  
洞庭吾懸軍深入若攻城而下援兵見之必謂江陵  
已破未敢輕進往來窺伺動踰旬月吾取之必矣銑  
援兵見舟艦果疑不進靖進圍之銑內外阻絕乃降  
曹王皋傳教戰艦狹二輪蹈之鼓水疾進駁于陣

馬

閻立德傳太宗時為匠即洪州造浮船大艦

唐樓艦

韓滉傳為鎮海鄜度使造樓船三千柁以舟師由海  
門大閱至申浦乃還

錢鏐伐吳錢傳瓘帥戰艦五百艘皆載灰豆及沙戰  
于狼山江傳瓘使順風揚灰吳人不能開目又散沙  
於巴船散豆於吳船豆為戰血所漬吳人踐之皆僵  
仆因縱火焚吳船 後梁賀瓌以竹竿聯艨艟十餘  
艘蒙以牛革設睥睨戰格橫於河渚

建隆造船務習水戰

建隆二年正月壬辰幸造船務觀習水戰三年丙戌又幸乾德元年正月觀造戰船

建德元年上使諸軍習戰艦於迎鑾唐主懼甚

乾德講武池習水戰 水虎捷

實錄建隆四年即乾德元年四月庚寅內出緡錢募諸軍

子弟數千人鑿池於朱明門外令右神武上將軍陳

承昭護其役將習水戰也 乾德元年四月鑿池於

朱明門外引蔡水注之造樓船百艘選卒號水虎捷

習戰池中長編一云建隆四年鑿大池於京城之

南在玉津園東抵宣化門外引蔡水注之其年六月

既成名教船池造樓船百艘選精卒號水虎捷習戰池中

開寶講武池

開寶六年三月壬午詔以教船池為講武池七年將

有事於江南是歲凡五臨幸觀習水戰

開寶三年冬十月幸造船務命水工駕雜脩樓船以

習水戰

乾德元年二月慕容延釗遣戰棹都監武懷節等分

兵趣岳州大破賊軍於三江口獲船七百餘艘解暉傳偽

統軍使黃從志以岳州拒令暉率舟師討平之五月遣使往涪瀘戎等州開擢手增置水軍六月已

萬曆十六年

三五年

一四

監生于光烈刊

西命宋延渥帥禁旅數千習戰於新池上數臨觀七月丁卯幸武成王廟遂幸新池觀習水戰

二年十二月劉光義等入峽路生擒戰棹指揮使奪戰艦二百餘艘斬獲水軍六千餘初蜀於夔州鑿江為浮梁上設敵棚三重夾江列礮具上出地圖指其處謂光義曰沂江至此切勿以舟師爭勝當先遣步騎潛擊之俟其稍却乃以戰棹夾攻可必取也

五年上嘗幸講武池臨流觀水戰顧謂左右曰人皆言忘身為國然死者人所難言之易耳李進卿前對曰如臣者令死即死耳遂躍入池中上急令水工救之開寶二年五月契丹兵分道入寇韓重贇陣于

嘉山以待之戊子幸城東命水軍乘小舟載纏弩進攻其城是月己酉幸城南命水軍乘輕舟焚北漢主門七年閏十月己酉曹彬等入池州先是上遣人作使郝守濬率丁匠自荆南以大艦載巨竹組并下朗州所造黃黑龍船於采石磯跨江為浮梁或謂江闊水深古未有浮梁而濟者乃先試於石牌口既成丁己曹彬等及江南兵戰於銅陵敗之獲戰艦二百餘人

太平興國金明池習水戰

太平興國元年詔以卒三萬五千人鑿池以引金河



水注之有水心五殿南有飛梁引數百步屬瓊林苑  
每歲三月初命神衛虎翼水軍教舟楫習水嬉西有  
教場亭殿亦或臨幸閱砲石杜弩雍熙元年四月幸  
金明池觀習水戰上御水心殿以觀戰艦角勝鼓譟  
以進往來馳突必爲回旋擊刺之狀顧侍臣曰兵棹  
南方之事也令旣平定固不復用但時習之不忘武  
功耳  
紀太平興國二年二月乙巳幸新鑿池賜穿  
池卒人千錢布一端三年二月始鑿金明池七年十  
月戊辰幸金明池御龍舟觀習水戰又雍熙二年  
四月丙申幸四年四月丁未幸觀水嬉因習射又九

月丙寅因登水心殿射淳化二年三月乙卯幸御水  
心殿觀水嬉又淳化三年三月庚申幸金明池觀水  
嬉命爲競渡之戲祥符二年四月丁亥賜金明池  
善泅軍士緡錢

太祖朝製造兵棹防水路時神衛立水軍及江淮平  
定不復振舉真宗於江浙淮南選取習水兵士立成  
指揮

太平興國渡河大船 神舟

太平興國四年征北漢

至道二年八月江淮發運使楊允恭捕取私鹽賊送

闕下上貸之曰此等越逸江湖習性已久固不能工  
作可團爲一軍以備舟楫之用號平河軍

咸平戰船式

咸平二年八月戊申造船務匠項綰等獻轉海船式  
景德金明池觀水戰

會要

祥符神衛水軍

大中祥符六年詔在京諸軍選江淮習水卒於金明  
池按試戰棹立爲水虎翼軍置營池側其江浙淮南  
諸州亦令准此選卒置營初太祖立神衛水軍及江

淮平定不復振舉上以兵備不可廢故復置焉七年  
五月詔諸州簡兵有善水者以補神衛水軍

天聖金明池觀水嬉

六年

嘉祐二年三月二十二日命契丹使觀金明池水嬉  
熙寧三年四月三日元豐二年四月辛丑幸觀水

嬉

建炎樓船凌波軍

建炎元年六月二十一日置水軍以習水戰號樓船  
軍從李綱之請也  
會要建炎元年六月宰臣李綱

言守備之策當於沿河沿淮沿江置帥府要郡以控扼將佐軍兵云云瀕河江淮去處帥府別置水兵二軍要郡別置水兵二軍次要郡別置水兵半軍以習水戰並招募習水善波操舟便利之人令擬到軍號樓舡軍凌波軍詔並從之

建炎江淮習水戰

建炎三年正月呂頤浩言水戰之具在今宜講然防淮難防江易近雖於鎮江之岸擺泊海船而上流諸郡自荆南抵儀真可渡處甚多望置使兩員一專提舉造船且詢水戰利害

建炎海船

建炎四年兀朮回至鎮江夏四月兀朮自明州回韓世忠先屯焦山以邀其歸路兀朮遣人約戰世忠伏兵擊之俘獲甚眾及其舟千餘艘虜不得濟求假道相持于黃天蕩世忠募通船百餘艘泊金山下預命工鍊為長綆大鈎虜擁千舟而前世忠分海船出其背縋一便則曳一舟虜不得渡募人獻破海舟之策乃以輕船絕江而遁

紹興飛虎戰艦

紹興二年七月丁丑無為軍守臣王彥恢言大江以

南欲控扼非戰艦不可制飛虎戰艦傍設四輪每輪八楫四人旋幹日行千里又有神武戰車比之蒙衝偏箱鹿角此尤至要詔就本軍措置

紹興戈船

紹興十一年十月十九日知秀州方滋以戈船先辦除直祕閣三十一年虞允文趨采石列軍爲陣分戈船爲五虜與官軍步戰戈船並進虜舟皆沉沒水爲之丹一本云虜至楊林瞰江恃軍以爲帥可渡也李顯忠措置依山列馬步軍五分戈船以其二泊於東西岸其一泊中流其二於廬州港中頃之虜漸

登陸遣王琪等擊之及速遣戈船并進以神臂尅敵弓射之賊退遁港中所匿戈船出斷其後奪賊船二千餘艘繼以輕舸焚其戰船

紹興海鯨船

紹興三十一年十一月金虜亮欲由采石而渡命虞允文趣李顯忠代王權所留水軍車船咸在而諸將未有燒罵允文使人督之虜舟漸近我軍用海鯨船迎擊虜舟多沉溺縱火自焚其舟走瓜洲

繫年錄

紹興三十一年十一月金亮在瓜洲鎮揚存中虞允文恐車船臨時不堪用乃臨江棧試命戰士踏車船

徑趨瓜洲將迫岸復回中流上下三周金山回轉如  
飛是年十月李寶與金人舟師遇於密州膠西縣  
虜帆皆以油纈爲之寶以火箭射之煙焰燒延火不  
及者獲寶前拒寶命健士躍登其舟以短兵殪之舟  
中其餘皆中原舊民脫甲而降者三千餘人

### 紹興水軍

### 隆興御前水軍

隆興元年九月詔諸州召募水手於手上刺某州水  
軍字以革冒代之弊五年秋又增五百人建炎以

來朝野雜記平江許浦水軍本明州定海水軍也舊

隸沿海制置司乾道中改隸殿前司以三千人爲額

五年冬又改爲御前水軍八年春併歸許浦淳熙四

年冬以七千爲額江陰水軍八年春併歸許浦淳熙

四年冬以七千爲額江陰水軍舊自泉州調發乾道

三年以其勞費奏留屯二千人於江陰軍而沿海制

置司又列屯千人淳熙末增置四千此外左翼軍亦

有水軍三千摧鋒軍二千福州延祥寨千人鎮江建

康池江鄂州御前諸帥亦各有水軍其後殿司又有

澈浦水軍而淮陰靖安唐灣采石諸水軍則皆冠以

御前水軍之號

淳熙多槳飛江船

淳熙三年十一月進呈建康都統郭剛奏本司車船損已補填依海船樣造多槳飛江船上曰車船古之艨衝辛巳用兵取勝豈宜改造其多槳船止許逐軍自行創造不得充新營車船數

武經摠要吳人以舟楫為輿馬以巨海為平道是其所長春秋時吳以舟師伐楚又越軍吳軍舟戰于江伍子胥對闔閭以船軍之教比陸軍之法大翼者當

陸軍之車小翼者當輕車突冒者當衝車樓船者當行樓車樓船者當輕足驃騎公輸般自魯之楚為舟楫之具謂之鈎拒退而鈎之進則拒之

舟師可以進可以守東南之師趨三齊者向淮入泗而止劉裕伐南燕至下邳趨河北者自汴入河而止

桓溫伐燕至枋頭捨舟登陸尚得半利趨關中者自河而入王鎮惡至長安王濬水陸並進可得全利此以

舟師進者也塞建平之口使自三峽者不得下王濬揚素自此而一王濬據武昌之要使自漢水者不得進漢

江處止直江夏何尚之言夏口在荆江之中正對守漢馮口漢通接雍梁實為津要漢由來舊鎮根本不易

采石之險使自合肥者不得渡韓擒虎渡處防瓜步  
 之津使自盱眙者不得至魏太武來處此以舟師守  
 者也鬪艦之制近世太精昔人智巧殆不能及胡虜  
 望之驚若鬼神限以際天之水駕以如山之浪彼雖  
 虎兕豺狼莫敢前也

玉海卷百四十七

玉海卷第一百四十八

汲儀王應麟伯厚甫

兵制

馬政上

古者牧養之馬有養之官有藏之於民管民通牧  
 者同也牧於民而用於官者漢也牧於官而給於  
 民者唐也

黃帝馬師

列仙傳鑿向馬師皇者黃帝馬師淮南子黃帝治

天下飛黃服皂呂氏春秋乘雅作駕寒哀作御

夏九代馬

山海經大樂之野夏后啓於此舞九代馬乘兩龍  
文選王元長序夏后兩龍載驅瑤臺之上注良曰夏  
后啓有馬號為兩龍乘游於瑤臺之上以饗諸侯百  
官也

殷牧師

後漢西羌傳殷太丁之時周季歷復伐燕京之戎後  
二年周人克余無之戎於是太丁命季歷為牧師季  
歷文王之父也注竹書紀年曰太丁四年周人伐余  
無之戎克之周王季命為殷牧師  
秦紀費昌為湯

御太戊使中衍為御

呂氏春秋伊尹說湯曰青

之匹遺風之乘注馬名

詩出車我出我車于彼牧矣

注出車就馬於牧地我殷王也

禹貢萊夷作牧

以放牧

記夏戎事乘驪殷戎事乘翰周乘駮夏駮馬

黑鬣殷白馬黑首周黃馬蕃鬣疏魯有三代之馬

宋志夏

馬駮殷馬駮周馬駮

局十二閑 六廐 馬政

夏官校人中大夫二人上士四人下士十有六人

掌王馬之政注班政謂差擇養乘之數也十月

注楚都養馬官屬校人也辨六馬之屬種馬一物





大祭祀朝覲會同毛馬而頒之軍事物馬而頒之

齊其色物趣馬下士卑一人掌贊正良馬而齊其

飲食簡其六節法差士馬以為六等書立政趣馬小尹庶常吉士巫馬下

士二八四人掌養疾馬而乘治之牧師下士四

人掌牧地皆有厲禁而頒之孟春焚牧中春通活掌

其政令凡田事贊焚萊廋人下士閑二人掌十有

二閑之政教以阜馬佚特教駢音攻駒及祭馬祖祭

閑之先牧及執駒散馬耳圉馬九者皆正校人員選

校人謂馬八尺以上為龍月令駕蒼龍七尺以上為駮詩

千北三六尺以上為馬圉師乘一人為乘掌教圉人

養馬春除葶新學馬神之也夏庠馬冬獻馬葶馬茲也

庠廡所以此馬京也圉人良馬匹一人駮馬麗

一人麗掌養馬芻牧之事以役圉師凡賓客喪紀

牽馬而入陳厥馬亦如之周秩官曰司馬陳芻注

芻周制曰國有郊牧注馬質中士二人掌質馬

馬量三物曰戎田駮皆有物賈綱惡馬禁原文蠶汪天

為馬蠶書馭夫分公馬而駕治之注乘調六秋

官蠻隸掌役校人養馬月令仲夏班馬政養馬之

人職口掌十有季秋班馬政命僕及七駮咸駕謂齊

二閑之政教其色度其力使同乘也

周官馬政養之以阜乘廐校視之以圉牧廋巫設祖  
牧社步之祭以謹其本時出入游靡之節以宣其性  
情分房棧牝牡之別以一其種嚴攻講刻剔之策以  
就其才又為之禁原驅蠶網惡去害 春祭房星尊  
祖也夏祭先牧尚養也秋祭馬社敬乘也冬祭馬步  
存祖也 糴之秣之斯馬斯才既伯既禱有駉有容  
芻秣之式掌于太宰以馬名卿列于夏官 駟駟彭  
彭武王所乘駟駉孔阜秦襄以田是齊色不專宗  
廟

詩正義干旄傳驂馬五轡王肅云古者一轅之車駕

三馬則五轡其大夫皆一轅車夏后氏駕兩謂之麗

殷益以一駢謂之驂周人又益一駢謂之駟本從一

驂而來亦謂之驂王基云商頌約軹錯衡八鸞鏘鏘

則殷駕四不駕三也又異義天子駕數易孟京春秋

公羊說天子駕六毛詩說天子至大夫同駕四士駕

二詩之四駟彭彭武王所乘龍旂承祀六轡耳耳魯

僖所乘曰駟駢駢周道倭遲大夫所乘禮王度記天

子駕六諸侯與卿同駕四大夫駕三士駕二庶人駕

說與易春秋同周禮校人乘馬一師四圉四馬為

乘此一圉養一馬而一師監之也尚書布乘黃朱言

獻四黃馬朱鬣也。既周天子駕六，則被人何不以馬與圍以六為數？諸侯何以不獻六馬？王度記曰：大夫駕三，經傳無所言，是自古無駕三之制也。  
詩吉日  
 庚午，䟽必用午日者，蓋於辰午為馬故也。  
無羊䟽  
 擬駕用者屬牧師，令生息者屬牧人。

周戎馬

左傳成元年三月，作丘甲。注周禮九夫為井，四井為邑，四邑為丘，丘十六井，出戎馬一匹，牛三頭，四丘為甸，甸六十四井，出長轂一乘，戎馬四匹，牛十二頭，甲士三人，步卒七十二人。此甸所賦，今魯使丘出之，正

馬政

義注多是司馬法，而以周禮冠之，以司馬法祖述周禮所陳，即周法也。司馬法六尺為步，步百為畝，畝百為夫，夫三為屋，屋三為井，四尺為邑，四邑為丘，丘有戎馬一匹，牛三頭，是曰匹馬，丘牛四，丘為甸，甸六十，四井出長轂一乘，馬四匹，牛十二頭，甲士三人，步卒七十二人，戈楯具，謂之乘馬。鄭注論語云：司馬法成方十里，出車一乘。注小司徒云：成出革車一乘，甲士十人，徒二十人，與此不同者，謂公卿大夫畿內采地之制，此謂諸侯邦國出軍之法。甸即乘也，六十四井出車一乘，故以甸為名。  
書周官注夏官卿主戎

馬之事掌國征伐。詩秦四駘四馬既閑正義四種之馬諸侯無種戎四馬當八轡言六轡者以駢馬內轡納之於舛故在手唯六轡聘禮云賓觀揔乘馬注云揔八轡牽之贊者謂步牽馬故八轡皆在手也大叔于田言六轡如手謂馬之進退如御者之手為御之良此言在手謂不假搯制為馬之良。曲禮前有車騎則載飛鴻疏古人不騎馬經典無言騎者今言騎是周末時禮。陸氏曰古稱黃帝以車戰蚩尤以騎戰又齊魯相遇以鞍為几則軍之有騎尚矣。詳見後

周八駿圖

穆天子傳癸酉天子命駕八駿之乘右服靛騮而左騮耳右駿赤龍右驥而左白箴天子主車造父為御南函為右次車之蔡右服渠黃而左踰輪右駿盜驪而左山子柏天主車參伯為御奔戎為右至于黃澤官樂謠曰黃之池其馬歎沙皇人威儀黃之澤其馬歎玉皇人壽穀。列子周穆王肆意遠遊命駕八駿之乘左靛騮而右綠耳右駿赤驥而左白縹古義字主車則造父為御秦南函為右次車之乘右服渠黃而左踰輪左駿盜驪離而右山子柏天主車參百為御奔戎為右馳驅千里至於巨嵬氏之國宿

嘉靖丁巳年  
監生諸傑刊

于崑崙之阿赤水之陽別日升于崑崙之丘以觀黃  
帝之宮遂賓于西王母觴于瑤池之上乃觀日之所  
入一日行萬里

**史記秦本紀**造父以善御幸于周

繆王得馬温驪驊騮一云綠耳之馬北唐之君來見

以一驪馬是生綠耳八駿皆因其毛色以為名號驪

接穆天子傳有八駿之乘此紀不具爾雅釋云穆

天子傳丙寅天子屬官効器乃命正公郊父受勅憲

用中八駿之乘以飲于校詩之中積石之南河郭注

云盜驪者為馬細耳紀年云北唐之君來見驪馬是

生綠耳柳宗元觀八駿圖說云好事者為之圖宋

齊以來西巡狩樂而志歸偃王作亂造父父為繆王

御長驅歸周一日千里以救亂繆王以趙城封造父

白此為趙氏非子居大丘好馬及畜善養息之大丘

馬政

人言之周孝王孝王召使主馬于汧渭之間馬大蕃

息孝王曰昔栢鬻為舜主畜畜多息故有土賜姓羸

今其後世亦為朕息馬其分土為附庸邑之秦使復

續羸氏祀拾遺記穆王即位二十二年巡行天下

馭黃金碧王之車傍氣乘風起朝陽之岳自明晦窮

寓縣之表御八龍之駿一名絕地足不踐土二名翻

羽行越飛三名奔霄夜行萬里四名超影逐日而

行五名踰輝毛色炳輝六名超光一形十影七名騰

霧乘雲而奔八名挾翼身有肉翅通而駕焉按轡徐

行以匝天地之域書穆王命伯冏為太僕正正于

嘉清丁巳年監生者敘刊

羣僕侍御之臣造父為御周遊天下導其後者果出于僕御之間人心操合之無常可懼

哉隋志五行類有周穆王八馬圖圖存命注駮馬

國史志史道碩畫八駿圖一卷崇文目八駿圖

一卷小言唐李觀有八駿圖序柳宗元有觀八

駿圖說

淮南子散宜生得騶虞雞斯之乘說文馬赤鬣縞

身目若黃金名曰媽古皇之乘周文王時犬戎獻之

左傳唐成公有兩驕驕馬古今注秦始皇有七

名馬一追風二白兔三躡影四追電五飛翮六銅雀

七晨鳧張說集秦沂渺渺尚想非子之風魯野區

馬政

區猶傳史克之頌穆王八駿有驪騮耳之驥

周良馬

穆天子傳壬戌天子至于雷首犬戎觴天子雷首之

阿乃獻良馬四六天子使孔牙受水經注云已

巳天子東征食馬于滎水之上水經注

冰出桃林塞之夸父山其中多野馬造父於此得驪

騶綠耳齊之乘以獻周穆王使之馭以見西王母

揚雄河東賦法師古曰翠龍穆天子所乘馬也

魯延慶法殿 堀牧晉六驪 小

左傳在二十九年春新作延慶書不時也凡馬日中





官駕說者正義皇氏云天子馬有六種種別有騶則六騶也又有總主之人并六騶為七故為七騶

襄二十五年楚為掩賦車籍馬注籍疏其毛色歲齒

以備軍用鄭有馬師楚有監馬尹宮殿尹楚

語國馬足以行軍公馬足以稱賦注國馬民馬公馬公之戎馬也

韓非子秦穆公起卒革車五百乘疇騎二千步卒五

萬輔重耳入于晉疇等也言馬齊等史記蘇秦傳燕車六

百乘騎六千匹趙車千乘騎萬匹魏車六百乘騎五

千匹楚車千乘騎萬匹秦北有代馬戰國策蘇厲說趙曰代馬胡駒

公羊注禮大夫以上至天子皆乘四馬所以通四

方也天子馬曰龍高七尺以上諸侯田馬高六尺以

馬政

上卿大夫曰駒高五尺以上

禮大司馬帥師執提鄭司農云謂馬上鼓疏曰先鄭

蓋據當時已有單騎舉以况周其實周時皆乘車無

輕騎法也春秋正義古者馬以駕車六國時始有

單騎蘇秦云車千乘騎萬匹是也司馬法孫子無

騎戰吳起之為武侯戰以車五百乘騎三千匹而破

秦五十萬眾其書六篇往往皆言騎戰蘇秦說六國

於燕言馬六千匹於趙楚言騎萬匹於魏言騎五千

匹張儀說韓言秦騎萬匹趙變胡服招騎射此皆戰

國用騎戰之驗今六韜言騎戰決非太公所作古亦

未有無車而乘馬者故易曰舍車而徒餘又見周戎馬段

漢五監 六廄 六牧師苑 三十六苑

騎馬令 駿馬監 建章監 家馬官

長樂未央廄 中廄令

百官表大僕秦官掌輿馬有兩丞屬官有大廄未央

家馬三令各五丞一尉大廄者六子之法廄惠帝紀所謂都廄也又車府路軫騎馬

私用非大祀戎事軍國所須故謂之家馬又車府路軫騎馬

駿馬四令丞又龍馬閑駒橐泉駒駉丞萃五監長丞

如淳曰橐泉廄在橐泉宮下駒駉野馬也師古曰閑闌養馬之所也故曰閑駒駉駉出北海中其狀如馬

非野馬也又邊郡六牧師苑令各三丞注師古曰漢官

馬政

儀云牧師諸苑三十六所景紀注如淳曰漢儀注置北邊西邊

以郎為苑監官奴婢三萬又牧橐昆蹠令丞蹠好馬名

也蹠音蹄善升蹠者也牧橐言牧養橐駝也

升皆屬焉中太僕掌皇太后輿馬不常置也武帝太

初元年更名家馬為桐徒孔馬樂志孔光奏省樂官

馬初置路軫五行志未央殿輅軫中云云孟康曰廄名

與馬亦曰水衡都尉元鼎二年初置屬官有技巧六

廄令丞成帝建始二年丙午省技巧六廄官秋減乘

漢舊儀云天子六廄未央承華駒駉騎馬路軫六

廄也馬皆萬匹據此表太僕屬官已有六廄未央路

之徒供六廄者其官別屬水衡也劉氏曰上林自

萬曆丁亥年

監生沈申錫刊

四百二十端約

有六廢一令丞主之地理志北地郡靈州縣有河奇苑號非苑歸德縣有堵苑白馬苑郁邳縣有牧師苑官苑謂馬牧

遼東郡襄平縣有牧師官西河郡鴻門縣有天封苑

太原郡有豕馬官注漢有家馬廢一廢萬匹後改曰桐馬功臣表兼史

記張良以廢將從起下邳王陵以廢將別定東郡南

陽祕彭祖為中廢令夏侯嬰為沛廢司御為滕令因

奉車復為太僕齊受以家車吏入漢師古曰家車非軍國所用

紀文帝二年十一月癸卯詔太僕見馬遺財足餘皆

以給傳置賈山至言云省廢馬以賦縣傳去諸苑以賦農夫昭帝始元四

年七月詔往時令民共出馬其止勿出諸給事中都

馬政

官者且減之元鳳三年正月罷中牟苑賦貧民注在榮陽

元帝初元元年九月詔太僕減穀食馬貢禹言高祖文景循

古節儉廐馬百餘匹今廢馬食粟將萬匹惟深察古道從其儉者可無過數千匹乃下詔太僕減穀食馬

省宜春苑與貧民二年三月詔罷黃門乘輿狗馬五年四月

詔乘輿秣馬無乏正事而已武紀太初二年五月

籍吏民馬補車騎馬武帝初廐馬四十萬匹鹽鐵論云賢良曰一馬伏櫪當中家

六口之食無丁男一人之事列傳李陵為建章監監諸騎衛青亦為

之金日磾為馬監日磾弟倫輸黃門養馬吾丘壽王願養

馬黃門衛青使咸宣買馬河東召為廢丞史記云大廢丞

傳介子元鳳中以駿馬監求使大宛遷平樂監

監生諸傲刑

矣太子傳發中廢車載射士師古曰中廢皇后車馬

由基魏王朗曰西京中廢則驂駟馬續志大

六萬外牧則扈養三萬而馬十之僕有未央廢令長樂廢丞鄭衆子安世為長樂未央

注廢令不注舊有六廢令中興省約但置一廢後

置左駿令廢別主乘輿御馬後或并省太子廢長一

人四百主車古令注漢安元年七月置承華廢令

安帝紀永初元年九月壬午詔廢馬非乘輿常所

御者皆減半食

### 漢九廢

三輔黃圖未央人廢在長安故城中翠華大駱果馬

馬政

輓梁駿騎馬大宛胡河駒駝凡九廢在長安城外霸

昌觀馬廢在長安城外都廢天子車馬所在中廢皇

后車馬所在太平御覽云黃圖未央宮有金廢輅幹

胡河廢九在城內

### 漢都廢 霸昌廢 交道廢 濯龍廢

惠紀三年七月都廢災大廢者天子洪廢所謂都廢

子之用也家馬供天子私用非戎祀軍國所須故謂

下五監牧養之所也牧養之所也郭璞謂驂駟如新而健

時有專驂是也邊郡六牧師苑漢官儀史記曰

叔還至霸昌廢按地志在雍州萬年東北三十八

嘉靖丁巳年每百一

谷永傳 敕過交道廢勿追注去長安大 文選 白馬

賦注 盧植集曰 詔給濯龍廐馬三百匹注曰濯龍廐名

晉志 漢侍御史五曹 四曰尉馬曹 掌廐馬 廐畜夫

田廣 明傳 驛馬 猥佐也 揚惲傳 給驛使乘之佐主 猥馬吏 惠紀 武士驛驛驛也

漢馬復令 馬弩閑

食貨志 文帝時 晁錯說曰 令民有車騎馬一匹者 復

卒三人 車騎天下之武備也 故為復卒師古曰當為 卒者免其三

及息什一 用充入新秦中 車騎馬乏 縣官錢少 買馬

難得 乃著令 令封君以下 至三百石 吏以上 差出牝

馬政

馬 天下亭亭有蓄字 馬歲課息 武紀 元狩五年春

三月 天下馬少 平牡馬匹二十萬 注如淳曰 貴平牡

馬賈 欲使人共蓄馬 西域傳 征和中 搜粟都尉弘

羊請屯田 輪臺以東 上詔曰 當今務在禁苛暴 止擅

賦力 本農修馬 復令以補缺 毋乏武備而已 郡國二

千石 各上進蓄馬方 邊狀與計對師古曰馬復 因養馬以免

繇賦 也 貨殖傳 馬蹏數千 為馬六百

景紀 中四年春 二月 御史大夫縮奏 禁馬高五尺九

寸 以上齒未平 不得出關 昭紀 始元五年 夏 罷天

下亭 毋養馬 及馬弩閑 注孟康曰 舊馬高五尺六寸

嘉靖丁巳年 監生 諸 啟 刊

齒未平。弩十石以上，皆不得出關。令不禁也。新序上

偃之計，因開馬及弩不得出。唐貞元三年，

病傳衛霍兩軍之出塞。閱官及私馬凡十四萬匹。後

入塞不逾三萬匹。乃置大司馬位。大將軍票騎皆為

大司馬。自青園軍于後，不擊匈奴者，以漢馬少。

溫舒傳為河內太守，令郡具私馬五十匹為驛。自河

內至長安。

周校人六廄，凡三千四百匹。頒之官府、鄉大夫之共

軍事者也。而丘甸之馬，民自備之。以從戎，自井田既

壞，凡有師役，皆賦馬與民。孝武末年，籍吏民馬而課

息徧于天下。古之軍賦，殆不如此。

馬政一

息徧于天下。古之軍賦，殆不如此。

漢苑馬 牧師苑 內外廄前又見 流馬苑

景紀中六年六月，匈奴入鴈門，至武泉，入上郡，取苑

馬。注如淳曰：漢儀注，太僕牧師諸苑三十六所，分布

北邊西邊，以郎為苑監官。奴婢三萬人，養馬三十萬

匹。師古曰：養鳥獸者，通名為苑。故謂牧馬處為苑。留

日，關中北有 食貨志：景帝始造苑馬，以廣用。師古

苑以武帝時，告緡沒入奴婢，分諸苑養馬。昭紀元

鳳二年六月，詔頗省乘輿馬及苑馬，呂補邊郡三輔

傳馬。傳馬驛 令郡國毋歛今年馬口錢。元紀初元

萬曆丁亥年 監生沈申錫刊

二年六月省苑馬以振困乏

地理志武威以西水

草宜蓄牧故涼州之蓄為天下饒安定郡參繇有主

騎都尉和紀永元五年二月戊戌詔有司省城內

外廄及涼州諸苑馬注漢官儀曰未央六廄長樂承

華等廄令皆秩六百石又云牧師諸苑三十六所分

置西北邊分養馬三十萬頭安紀永初六年春正

月庚申詔越雋置長利高望始昌三苑又令益州郡

置萬歲苑犍為置漢平苑續志太僕有牧師苑皆

令官主養馬分在河西六郡界中六郡隴西天水安

中興皆省唯漢陽有流馬苑但以羽林郎監領未央

馬政

廄令一人六百石長樂廄丞一人注漢官曰背箱苑官

陽即天水永平十七年更名

爾雅注秦有馱蹄苑周官牧師掌牧地下士四人

主牧放馬而養之

高紀至陽城收軍中馬騎四年八月北貉燕人來致

梟騎助漢八年三月令賈人毋得乘騎馬注乘駕車

食貨志漢初天子不能具醇駟武帝初衆庶街巷

有馬天子為伐胡盛養馬馬往來食長安者數萬匹

卒堂者關中不足乃調旁近郡縣官不給天子乃解

乘輿駟却昂曰始皇并寓內六萬騎之國馬盡歸

萬曆丁亥年

監生沈和易

秦漢武崇飾戰馬至四十萬匹 匈奴傳票騎之出  
匈奴雖遠去漢馬少無以復往 平準書發三河以  
西騎擊西羗 貨殖傳塞之斥也唯橋桃以致馬千  
匹 昇金傳益以邊郡之良騎 趙充國傳軍馬一  
月之食度支田土一歲奏罷騎兵省大費至四月草  
生發郡騎及屬國胡騎伉健各千倅馬十二就草  
楊雄賦芳馳千駟校尉萬師 光武以所乘大驪馬  
賜李忠 寇恂拜河內太守委以率厲士馬恂講兵  
肄射養馬三千匹 吳漢曰漁陽上谷突騎天下所  
聞選烏桓突騎三千餘人張堪遷謁者使領騎七千

馬政

匹詰大司馬吳漢軍 元初中虞詡說任尚以兵法  
弱不攻強走不逐飛莫如罷數郡兵各令出錢數千  
二十人共市一馬以萬騎之衆逐數千之虜追尾掩  
截其道自窮 順帝永建元年五月丁丑詔幽并涼  
州刺史嚴勅障塞繕設屯備立秋之後簡習戎馬

漢九逸

西京雜記文帝自代還有良馬九匹皆天下駿足也

名曰浮雲赤電絕群逸驃紫燕騶綠螭龍子驎駒

絕塵號為九逸有來宣能御選注引此一穆王八

駿有驊騮耳之號漢文九逸有浮雲絕塵之目

高麗書

監生沈申錫刊



漢千里馬 四駿馬 滇池神馬 魏澤

馬

賈指之傳孝文時有獻千里馬者詔曰朕乘馬獨先

安之還馬與道里費詔曰朕不受獻也令四方毋獻

太宗卻 匈奴傳千里馬匈奴寶馬也 西域贊蒲

稍龍文魚目汗血之馬充於黃門注孟康曰四駿馬

名 後循吏傳建武十三年異國有獻名馬者日行

千里 東觀記曰名都王國獻 南蠻傳肅宗元和中

蜀郡王追為益州太守政化充異有神馬四匹出滇

池中 滇池周迴二百餘里源深廣而未淺狹有似倒

馬政

東京賦園林氏之騶虞擾澤馬與騰黃 注山海經

文馬縞身朱鬣名曰吉良乘之壽千歲瑞應圖 却走

馬於糞車何惜騾裏與飛兔 晉載記符堅時大宛

獻天馬千里駒皆汗血朱鬣五色鳳膺麟身命羣臣

作止馬詩而遣之 宋顏延之賦帝軒陟位飛黃服

阜后唐膺錄赤文候日漢道亨而天驥呈才魏德懋

而澤馬文質 謝莊傳河南獻舞馬詔羣臣為賦莊上

雙壁應節三封中圖又作舞馬歌令樂府歌之 魏文帝以織驪馬遺吳 李斯書乘織商之馬

宋志騰黃王者德御四方則出白馬朱鬣王者任賢

良則見澤馬王者勞來百姓則至 蜀都賦乘驥子

服魚文玄黃異校結駟續紛

漢余吾水馬 渥洼水天馬 中廬馬

武紀元狩二年夏馬生余吾水中在朔方北元鼎四年秋

馬生渥洼水中注南陽新野有暴利長當武帝時遭刑屯田敦煌界數於此水旁見羣野

馬中有奇者與凡馬異來飲此水利長先作土人持勒絆於水旁後馬既玩習之代土人持勒絆收得其

馬獻之欲神異此作寶鼎天馬之歌五年十一月詔

曰渥洼水出馬朕其御馬禮樂志郊祀歌十九章

第十章曰太乙况天馬下沾赤汗沫流赭志倣儻精

權奇籊浮雲掩上馳體容與逝萬里令安匹龍為友

元狩三年馬生渥洼水中作按武紀乃云元鼎四年又云元狩二年夏馬生

馬政

余吾水中亦非三年後郡國志南郡中廬廬一作廬注襄陽者舊

傳曰縣西山中有一道漢時常有數百匹馬出其中

馬形皆小似巴滇馬華子云堯漢皆得馬者以皆

火德正斗南方乘德而至

漢烏孫天馬 西極馬 宛天馬 西極

天馬歌 汗血馬

張騫傳元狩中得烏孫馬好名曰天馬及得宛汗血

馬益壯更名烏孫馬曰西極馬宛馬曰天馬初天子

發書易曰神馬當從西北來漢使少從率進孰於天

子隨使而出外國者為少從進孰者但進成熟之言言大宛有善馬在貳師

萬曆十六年 監生于光烈刊

城匿不肯示漢使。天子既好宛馬，聞之甘心，使壯士車令等持千金及金馬，以請宛王貳師城善馬。宛國饒漢物，相與謀曰：「漢去我遠，而鹽水中數有敗，出其北有胡寇，出其南乏水草，又且往往而絕邑，乏食者多。漢使數百人爲車來，常乏食，死者過半，是安能致大軍乎？」且貳師馬宛寶馬也，遂不肯予。漢使怒，妄言推金馬而去。宛中貴人怒曰：「漢使至輕我。」李廣利傳太初元年，爲貳師將軍，發屬國六千騎及郡國數萬人，期至貳師城，取善馬。益發戍甲卒十八萬七科，適而拜習馬者二人爲執驅馬校尉，備破宛，擇取善

馬政

馬攻四十餘日，迺出其馬，令漢自擇之。漢軍取其善馬數十匹，中馬以下牝牡三千餘匹。西域傳宛別

邑七十餘城，多善馬。汗血，言其先天馬子也。張騫始爲武帝言之，遣使者持千金及金馬，以請宛善馬。宛王以漢絕遠，大兵不能至，愛其寶馬，不肯與。漢使妄言

宛遂殺漢使。

期門車令

取其財物。於是天子遣貳師將軍

李廣利將兵前後十餘萬人伐宛，連四年。宛人斬其王毋寡首獻馬三千匹。漢軍乃還。貳師斬宛王，更立貴人素遇漢善者名昧蔡爲宛王。後歲餘，宛貴人以爲昧蔡調使我國，遇屠相與共殺昧蔡，立毋寡弟蟬

封為王遣子入侍宛王蟬封與漢約歲獻天馬二匹

孟康曰言大宛國有高山其上有馬不可得因取傳

五色心馬置其下與集生駒皆汗血因號天馬云贊聞天馬則通大宛

**武紀**太初四年春貳師將軍李廣利車大宛王首獲汗血馬來作西極天馬之歌

應劭曰大宛舊有天馬蹋石汗盜馬前肩膊出如血一日千里禮樂志天馬徠從

西極涉流沙九夷服天馬徠出泉水虎脊兩化若鬼

天馬徠歷無草徑千里循東道天馬徠執徐時

太歲在辰日執徐時將搖舉誰與期天馬徠開遠門竦予身逝

昆侖天馬徠龍之媒游闐闔觀玉臺

上帝所居天馬十太初四年誅宛王獲宛馬作

**史記樂書**得神馬渥注

馬政一

水中為太一歌後伐大宛得千里馬名蒲梢作天馬

歌馮奉世傳宣帝時至大宛得名馬象龍而還

師日言馬形似龍者後傳建初三年賜東平王蒼及琅琊王

京書云并遺宛馬一匹血從前膊上小孔中出常聞

武帝歌天馬霑赤汗今親見其然也

又建武二十六年南單于獻文馬十匹二十八年前比匈奴貢馬永平

十七年耿恭檄烏孫遣使獻名馬論都賦馭宛馬鞭缺提

晉武帝泰始六年九月大宛獻汗血馬

漢移中監平樂監昭紀始元六年詔移中監蘇武前使匈奴

云云注如淳曰移園之中有馬廄也監官也

按詩注移唐棣也金日磾

萬曆十六年

三

三

監生吳公亮

傳拜為馬監 傅介子傳以平樂殿監使誅樓蘭王

後漢禮震為淮陽王殿長馬融為河間王殿長史

漢宣德殿馬式 東門京銅馬法 相馬

經

馬援傳字文淵好騎善別名馬建武二十年征交趾

還於交趾得駱越銅鼓乃鑄為馬式還上之因表曰

夫行天莫如龍行地莫如馬馬者甲兵之本國之大

用安寧則以別尊卑之序有變則以濟遠近之難昔

有騏驥一日千里伯樂見之昭然不惑伯樂秦穆公時善相馬者

也桓寬益鉄論曰騏驥負益車非頭於太行之坂見伯樂噴而長鳴近世有西河子與

亦明相法子與傳西河儀長德而長孺傳茂陵丁君都

君都傳成紀楊子阿臣嘗師事子阿受相馬骨法考

之行事輒有效驗臣愚以為傳聞不如親見視影不

如察形今欲形之於生馬則骨法雖備具又不可傳

之於後孝武皇帝時善相馬者京門京鑄作銅馬法

獻之有詔立馬於魯班明外更名魯班門曰金馬門

臣謹以漢氏制居奇中帝氏口齒謝氏唇丁氏身

中黃此數家骨相以為法馬高三尺一五寸四尺五

寸有詔置宣德殿下以為名馬式焉注援銅馬相法

曰水火欲分明水火在鼻兩孔間也上唇欲急而方

口中欲紅而有光此馬千里領下欲深下唇欲緩牙

欲平滿汗濇欲深長而膝本欲瘦肘腋

欲方蹄欲厚三寸如石武紀注應劭曰永平五

年至長安取飛廉并銅馬置上西門外平樂館

漢注銅馬也金馬式賦晒來市之三年無相肥

於一槩竹沛艾以龍鬚善駢而鹿超半以石馳以

銅作賭大宛為神蜀郡作鏡域中垂銜天下稱驥德

頌駟牧銅馬賦研精以範酌憲于心張戎容程國

步狀赤文之呈瑞方候日於堯庭隋志五行類伯

樂相馬經一卷朝中銅馬法崇文目周穆王文選

張協七命秦青不能識其衆九方歎不能觀其若滅

四亦呂氏春秋古之善相馬者寒風相口齒麻朝

相頰大厲相目衛忌相鬣許鄙相腕投伐揭魯魯

青廣物一作陳悲股脚秦牙相前贊君相後十人皆

良工也所以相者不同見馬之一證也若趙之王良

秦之伯樂九方堯九蓋其妙

莫承華殿高車殿

百八十一

百八十一

百八十一

百八十一

百八十一

百八十一

順帝紀漢安元年秋七月始置承華殿漢書煥記曰時

多國聽說滿始引承華煥今朕六東京賦駙承

華之滿華聽華殿漢書杜為傳建武十九年作

高車殿必長安呂強傳諫曰中殿聚大侯之馬

郡國志陳留尉氏注陳留志曰北有澤澤有天子苑

園有秦樂殿漢諸帝以養猛獸

### 漢驃驥殿

靈帝紀光和四年春正月初置驃驥殿丞領受郡國

調馬注驃驥馬豪右辜權馬一匹至二百萬

魏乘黃殿又見唐乘黃殿令

六典大僕有乘黃殿漢為未央殿魏改乘黃晉因之

乘黃古神馬因以為名乘黃亦名飛黃淮南子天下

年漢志出入詩曰嘗黃其何不祿下應劭魏

都賦冀馬填殿而駟駿注鄴城西下有乘黃殿魏

書曹公列鐵騎五千為十重陣精光曜日縱虎騎夾

擊馬超大破之鍾繇為司隸送馬二千餘匹以給

軍凍王植於武帝世得大宛紫驊馬一以獻文帝

黃伯仁龍馬頌耳如刻甯目象明星雙壁似月蘭

筋參情

晉典牧都尉 三殿

萬曆十六年

五海百四

監生吳公亮

職官志太僕統左右中典牧都尉車府典牧乘黃驊

騮龍馬三廄令郭展為太僕廄馬充多渡江後太僕省故驂騮

為門下之職江左初侍御史置庫曹掌廄牧晉有赤龍驂驄

苑諸典注魏置牧官都尉晉因之梁書天監七

年置太僕卿統南牧左右牧龍廄內外廄唐改龍廄為典廄

傳玄乘輿馬賦文榮其德武曜其威籍田賦龍

驥騰驤而沛艾載記慕容廆有駿馬曰楮白有奇

相逸力雋比之於鮑氏驄命鑄銅以圖其象親為銘

贊鐫勒其旁置之薊城東掖門元魏太武太延二

年冬於雲中置野馬苑平朔方隴右以河西水草善

以為牧地馬三百餘萬匹橐駝半之孝文復以河陽

為牧場戎馬十萬匹歲自河西徙牧并州漸南欲其

習水土馬之盛無如後魏太和二年龜茲獻龍馬

十五年冬二千石考上上者賜乘黃馬一匹

晉太元神馬

晉武帝太元十四年寧州刺史費統言晉寧郡滇池

縣兩神馬一白一黑盤戲河水之上水經注滇池

中有神馬家馬交之則生駿駒日行五百里典略

曰神馬河之精

梁馬寶頌 又見祥瑞

嘉靖丁亥年 監主者收小



文苑英華梁簡文馬寶頌五月丁酉朔詔以馬寶示  
羣臣太僕效官趣馬掌贊八麗四圍給役相趨暉煜  
金鑣陸離寶勒鳶眄善鳴龍儀美稱揔轡崑岑周非  
吾馬亦樂大野夏有慙德乾道應坤馬來度王閔升  
玉臺千天駟百龍媒永伏阜掃駒駮秣瑶粟委芳芻  
九夷款四表清甿胥樂輿頌具

初學記黃章龍馬

賦生河海之濱涯被華文而朱翼

玉海卷第一百四十八

馬政

